

۱ شعبان ۱۳۱۳

پنجمین سنه

نومرو ۶

کانون بهائی ۴ ۱۳۱۱

اداره خانه سی

باب عالی جاده سنده قصبار کتبخانه -
میدر. رساله به متعلق کافه مشو -
لیت و خصوصیات ایچون (قصبار
کتبخانه سنه) مراجعت اولون نور -

نسخه سی ۲۰ یاره در



آبونه بدلی

برسنه لك الی ایکی نسخه سی بوسته
اجرتیه برابر بروجه پیشین ۴۵
غروش، استانبول ایچون ازمه
نهن آلتیق اوزره ۲۰ غروشه بو.

نسخه سی ۲۰ یاره در

پنجمین کونلری نشر اولونور فنی و ادبی رساله

(محرری : اسماعیل صفا)

نرم‌دن بولدی دل آبا بو بلا سودای
عاقبت بستر آلام اینجه کردم آه
باق نه لر کوستیریور آمده باق بخت سیاه
ذوق ایله راحت ایله کجمدی هیچ بر آتم
اولدم قورتلهم بن نه غریب انسام
اولدیر الله اینجون ای یار جفا یشه بنی
اولدیر یوقسه یارین محنت و اندیشه بنی
زعم زاده : حسن فهمی

بدیعه خیالیه

[مابعد]

بوافکار حقیقیه حیاتی بدیعه خیالیه‌دن باشقه بر
شی اولمایان شعر و صنعتیه قابل تطبیقدر . کوزل
دیدیکمز هرشبک عناصرنی بزه افهام ایده‌جک
وروحوزه و جدانمز و عقلمزه قارشنی بر جوق
بدیعه‌لر الهام ایله مادی و معنوی بر تکمل حیاتی
و اخلاقی نی موجب اولاییله جک بر شی وار ایسه
اوده مشهوداتدن عبارت دگیدر ؟ شعرده بر ابداع
خیالی بعضاً مفید اولاییلر ، فقط بوده مشهودات
و موجودات طبیعه ایله آراسنده کی مناسبته کوره
حقیقتک بر تظاهرندن ، بر تجلی صور بسندن باشقه
برشی دگیدر . شعر و صنعت ابداعات خیالیه ایله
محو اولور ؛ بونلری احیاء و تأیید ایده‌بیله‌جک
بدیعه خیالیه‌در . بناء علیه قوه خیالیه‌ک موضوعی
و غائی . اشیانک مناسبات حقیقه‌لرینه کوره
افکاری تعدیل و ترکیبدر . بدیعه خیالیه اخلاقده
ایسلیکی اعتقاداتده دوغروانی . حسابات قلبیه‌ده
سماعتی آراز . بونلرک اساس و ماهیتی اولان
حقیقت شعر و صنعتک افکار و تصورات بدایع
پروری آراسنده کیزلن حقیقتدن عبارتدر .

افکاری معرفتک و یا مشترکاً معرفتله وجودک
اساسی عد ایدن مذاهب فلسفیه‌یه [ایده آلیم]
تعبیر اولونور . ایده آلیم فلسفیات ایله تاریخ عقل
بشرده یک بویوک بر موقع اشغال ایدهر ؛ فک
بدایت تاسسنده یعنی ذهنک خصوصیتدن عمومیته
آزدن جوغه . حادثاتدن اسبابه انتقال ایتیمک باشلا-
دینی زمانلرده ، عقلک فلسفیه‌ده قدر ارتقا
ایده‌بیلدیکی ممالکده . ده‌ا دوغروسنی هر قومده
بری برندن آزجوق تخلف ایدن بر ایده آلیمه
تصادف اولونور . اک بویوک علملر ، اک بویوک
داهیلر ایده آلیمه منسوب ایدیلر . اخلاقی هوسات
ردیه‌دن ، وجدانی حسیات رزیله‌دن ، ذهنی
خرافاتدن تصفیه و تجرید ایله روحی نشاط آمیز
برحیانه سوق ایله‌ین و خیال . تفکر و اراده کی
مسلکات اصلیه‌سنه ارجاع ایدن بدیعه خیالیه‌در .
ایده آلیمک اک اول جدتی و فی بر شکل
کسب ایتدیکی محل یونانستاندر . ایده آلیمی
ایلک دفعه فیثاغور و زنون ایله پیرولری دوشونمشلر
سوقراط ایله افلاطون بوکا حقیقی بر مسئله فلسفیه
شکلنی و برمشلردر . بو زمانده ازمه متوسطیه
[ورونه‌سانس] دورینه کلنجیه قدر ایده آلیم
تاریخ فلسفه‌ک اک مهم مباحثی اشغال ایلمش و فن
ایله حیسات عملیه اوزرندن یک بویوک بر تأثیر
کورولمشدر . یک یقین وقته کلنجیه قدر ایده
آلیم همان اولکی حائده قلش ایدی ؛ بو آرمق
نظر اهیتدن اوزاق طوبولومش ایسه‌ده علی الاکثر
افلاطونی شرح و تقلید ایله یاخود مسلکی تعدیل
و عناصر جدیده ایله تغییردن باشقه برشی ده‌یلمامش
ایدی . بوکون ایده آلیم آلامیاده یک زیاده رقی
کوسترمکده در ، واقعا و اصل اولدینی درجه فی

طاقم تظاهراتدن باشقا بر شی حاصل ایدمهز،
بناء علیه فکر معرفت اساسی و حدودیدر، مناسباتک
واضحاً تفهیمی، اشیانک حصول معرفتی مستلزم
اولور.

بعض فیلسوفلر افکارک شرائط معرفتدن
اولدیفنی رد ایدلر. آنلره کوره، فکری بر شرط
معرفت دیه قبول اتمک موجوداتی لزومسز یه
تکثیر ایله مکرر، ذکاوتده ذهنک آزادینی حقایق
صورت دائمه ستر ایدن بر طاقم احوال متوسطه
تصوری معقول اولایلیری؟ ذهنک الی بسط
برفعی اولان حدس ایله موجوداتی، ممکن و واجبی،
مقید و اطلاق، متاهی و غیر متاهی تفهم ممکن در.
فکر معرفتک اساسی و حدودی اولقی اوزره تاتی
ایدیلدیکی صورتده ایده آلیمک اهمیت و قابلیت
اکلاقمی ایچون فکرک ماهیت و حقیقتی بیلیمک
لازمدر.

ذهنک بر شرطی، بر شکل مطلق اولان
فکر، آنی مستلزم اولان قوت ایله موضوعی
آراسنده بر رابطه صمیمیه دلالت ایدن بر
سانحه میدر؟ یوقسه وجوده و بالذات اشیانک
حقیقته انتقالدن و موضوعدن عاری اولوب ذهنی
تحدید ایدن افعالدن بر شکل منتعیدر؟ باخود
بالذات وجود ایله اتحاد ایدمک اشیانک حقیقتی
تشکیل ایدرمی؟ تاریخ فلسفیانک شهادتیه کوره
ازمنه اولیدن بو گونه قدر، فکر شو اوج مختلف
صورتده تعریف، ایدلمشدر، که هری ایده آلیم
مصوّر در. برنجیسی افلاطونه، ایکنجیسی قائمه
اوجونجیسی هه کله عائددر. یهرقله ی و ماله برانس
کبی فیلسوفلرده ده باشقا یولده تعریف اتمک
ایسته مشر ایسهده، بو تعریقاتده شو اوج نوع
تصورک برینه راجع اولور.

قطعاً تشکیله کافی دکلسمده، تدقیقات فیهی توسیع
ایدمک و قوه فکریه یکی یکی افکار آچارق فنک
اهمیتی، تأثیراتی و حرکات انسانییه قارش مناسبات
تی ده و واسع، دهها بارلاق بر نظرله کورمه
باشلامشدر.

بودن استدلال ایده بیلیرز، که ایده آلیم
مساک بر احتیاج حقیقی و ذکاوتک بر قانون طبیعی
اوزرینه مؤسسدر؛ بو نقطه نظردن بدیع خالییه نک
تریات فیهده و مقدرات انسانییه کی دخل و تأثیری
بک بو بوکدر. ایده آلیمدن مستقل حقیقی بر فن
یوقدر؛ بوکا مخالف اولان هر بر فن و مساک صور
مختلفه نفی معرفته منتهی اولور. فنک الی اساسی
شرطی قوانین مستمره و مبادی واجبه و مطلقه
اوزرینه مؤسس اولما قدر. فکر بوکی شرائطدن
مستقل یا لکنز حادثانه لاحق اولایلیر، بر حادثهده
ممکن ونسب بر عنصردن باشقا برشی اولمادینی ایچون
وجودینه عات عد ایدیلمهز؛ بناء علیه حادثات
معرفتک ثابت و حقیقی بر اساسی دکلدر. حادثات
ایله موضوعات تجربیه نک حقیقتی قبول ایدیله بیلیر؛
بو حالده مبادینک و همی بر وحدتدن، اصلسز بر
شکل منطقدن باشقا برشی اولمامسی لازم کلیر.
بالعکس وجودله معرفتک اساسی بو مبادیده تدقیق
اولونور که بوده ایده آلیمه راجع اولور؛ چونکه
مبادی و اسباب اولیه ایستر بالذات وجود و سبب
اولارق تصور اولونسون، ایستر بدایع و کالاتک بر
منبع و مصدری دیه تاتی ایدیلین، هر حالده افکاردن
مستقلاً فکر و تفهیمی ممکن اولاماز. افکارک
معدومیتی حالده ذهن حقایق معنویه شامل
اولمادینی کبی، ذهنک تعینات حقیقیه سندن آریلان
تجربهده مهم، معین و رابطه و اهمیتدن عاری بر

هه کلامك تعريفى يك مطلقدر: فكر بالذات وجود ايله اتحاد ايدهر ك اشيا نك حقيقتى تشكيل ايتش اولسه، فن مابعد الطبيعيات لزوم قالماز، يا خود بو فن ده منطقدن عبارت اولوردى. بوده شكلى ذهن ايله وحقيقى فكريايله تشويش ايدهر. ازمنه متاخره نك قانت ايله هه كل آراسنده ظهور ايدن فيخته و شلتيع كى فيلسوفلرى، فكره دائر يك اسكى زمانلردن برى توارث ايدوب كان معلوماتى بو يولده تغير ايتملردير.

قانت كوره، معرفت مابعد الطبيعيات يعنى اسباب ومبادى نك تفهيمى آتجاق افكار ايله حصوله كلديكندن مسئله افكار فك ال اساسلى بختيدر. اون سكرنجي عصر ميلادى فيلسوفلرى بو مسئله مهمى منشأ افكار نظريه سنه ارجاع ويا لكز علم روحه كوره مطالعه ايله عادتاً تحريف ايله ديگر. بونرك هر برى فكر ك نه ديك اولديغى، ماديات ومكو تانه كوره نه كى مناسباتده بولونديغى دو شونته مشلردير. مسئله نك ال مهم نقطه سيدر، مبدأ معرفته وعلم روحه كوره بايان تحليلات مقدمات حكمنده در.

قانت بعض معلومات ايله فكر ك بر جوق قوانين ابتدائيه سى اولديغى اتبات ايلدكدن سو كرا، بو معلومات وقوانينه موجودات وموضوعات حقيقه نك تطابق ايدوب ايتديكى آرامشدر. قانت بو تدقيقات مهمه سنده تصرفات منطقيدن باشقا بر شى اولماين بو معلومات وقوانينك قوه فكريه ي تنظيم ايدوب ذهنك حادثاتى تصنيف وتوحيد ايله بروحده ارجاع ايتمه سنه توسط ايتديكى وبونلردن خارج وكنديريله آزجوق بر مطابقته دلالت ايدن بر حقيقتك موجود اولماديغى آكلامشدر.

قانت، بو معلوماتى «فكر» وه مقوله وصفاريه ايله ايكي قسمه آيرميشدر: حادثاته تعلق ايتديكى حادثه «مقوله» وفن مابعد الطبيعياتك موضوعى تشكيل ايله ديكي زمان «فكر» تعبير ايدهر دى. فقط ينه كندى تعريفنه كوره افكار ومقولات اشكال منطقيه وشخصيدن عبارت اولديغدن آزالرنده هيچ بر فرق تصور ايديله من. مطلق بر سبب وارميدر؟ حادثات آراسنده اثرله مؤثره دلالت ايدن بر مناسبت اولاييليرمى؟ قانت، برنجي-ؤالى انكارله تلقى ايدهر ك ديركه: «فكر علت تجر به نك حدودى متجاوزدر، بالذات تصور ايدملش اولسا احتمال وجودى تضمن ايدهر.» بناء عليه فكردن باشقا حقيقت يوقدر، ايكنجى سؤاله كلنجه، قانت، حادثاتك بر قانون علت كوره تصرفى ذهنك بر شرط واجبي عدايدر ايسه ده بو قانونك اشيايه شمولى رد ايلهر دى. قانت، علت مطلقه فكرنده بر اعتبار ماديى انكار ايله اسباب نسيبه نك موجوديت حقيقه سى ذهنن سلب ايتمشدر: چونكه اثرله مؤثر آراسنده بر مناسبت تصوريله مربوط و بر سبب مؤخره راجع اولان بر سلسله حبودده سبب مؤخر اطراح ايديلير ايسه، حدود متابه يينده علت دلالت ايدن هر درلو مناسبت زائل اولور، شو سبب بر حقيقت منطقيه اولسا، بو حدود آراسنده بر مناسبت منطقيدنه اولماق لازم كلير دى. آلمان فلسفه سى تكملات متواليه سيله قانت نظريه سى دها زياده اصلاح ايدهر ك بوندن دها باشقا يولده تيجه لر چيقارميشدر. بر طرفدن ادراكك قوانين وهميه وشخصيه سى، خلوق ذهنه دلالت ايدن بعض اشكال، ديگر طرفدن بوقوانين واشكاله بر ماديت وحقيقت ويرن تجارب قانتك



وضع ایندیکی مسلک اساسی تشکیل ایدر .
 هه کال . بو عناصری مختلف صورتده ترکیب
 ایدرک دها زیاده تعمیم و ابضاح ایله مشدر . قانت .
 فکری ذهنک بر شکل شخصیی اولماق اوزره
 تعریف ایندیکی حالده هه کال . فکرك موضوعی
 اظهار ایتدکن باشقا بالذات آنی حاصل ایله دیکنه ده
 قائل اولوردی .

قانت . فکر ایله حادثه نك حدود معرفدن
 عبارت اولدیفنی سوبله یه رك افکار اینجده صاقلانان
 وجودی انکار ایله ممش و فقط معرفتک بوکا
 انطباقی رد ایتش ایکن هه کال . وجودی بوتون
 بوتون حذف ایدرک بالذات فکركه تعینه قائل
 اولمشدر .

قانت کوره ای . کوزل و وجود عدا ایتدیکمز
 هر شئک اساس و مبدئ بالذات افکار اولوب
 بونکه تعین ایدر . قانت ده قوه فکریه ایله موضوعی
 فکر ایله حادثه یی . اشکال منطقیه یی و موجودات
 خارجی و مادیه یی آرالرند بر مناسبت و رابطه
 حقیقه تصور ایتمهک شرطیله بری برندن مستقل
 و متمایز عدا ایله . واقعا قانت ادراکک اشیا یه
 تحکمه دلالت ایدن بر طاقم قوانین و اشکال قبول
 ایتش ایه ده اشیا نك تظاهرات داخلیه مطابق
 اولدیفنی تصدیق ایله مک یک قولای دکلدز . الک
 دوغروسی اشیا ادراکک اشکال شخصیه سندن
 کچمک شرطیله قابل تفهم اولایشیر . اشیا ماهیت
 و حقیقندن زیاده صورت تفکر و تظاهریه کوره
 آکلایشیر . بناء علیه ذهنک انتقال ایندیکی وجودله
 موضوعک وجودی آراسنده بر نسبت حقیقه
 دکل بلکه ظاهری و شخصی بر مناسبت واردر .
 هه کال بونک عکسی تصور ایدرک فکر ایله

موضوع آراسنده بر تخالف و تناقضی قبول ایدر
 ایه ده موضوعک فکره تماماً توافق ایندیکی
 و اشیا نك مناسبت صوریه سندن زیاده ماهیت
 و حقیقتی دوشوندیکمزی ادعا ایله . بو نتیجه یی
 احضار ایدن فیخته ایله شلایغ مسلکری ایدی .
 قانت فلسفه سی بوکی نتایج منفیه وجود ویرمکه
 برابر اوستولوژی یعنی فن مکنوناته کوره قابل
 تعدیلدر : چونکه قانتک تجربه یه و بریدیکی اهمیت
 مغرطیه رغماً فلسفه سندن قوه فکریه نك دخل
 و تاثیر بوتون بوتون رد ایله مشدر . موضوع
 تجلیات حادثیه سنده بر شکل ذهنی حالی اکتساب
 ایدر بیلمک ایچون ادراک حدسیه مقارن اولدیفنی
 زمان ذهن منق اولمایوب موضوعه تأثیر ایله آنی
 تمثیل و تعیین ایدر . فیخته نك بولدیفنی نتیجه بودر .
 قانت . ادراکک غیرطوعی اولدیفنه قائل اولش
 ایکن فیخته بو عذم طوعیه برده قوه ابداعیه عطف
 ایله مشدر : مثلاً تفلسک تعنی کی بر فعل بسیط
 و ابتدائی دلالت ایندیکی موضوعک تحقیقه کافیدر .
 قانت کوره ماده حدسیاتک تعددی تحلیل ادراکک
 حصولندن اول بالتجربه معلوم اولق لازمدر . فیخته
 فعل تحلیل ایله حدسک مشارکة حصوله قائل
 اولور . بوراده «مقولات» ادراکک علی العاده
 قوانین و اشکالندن عبارت اولمادیکی کی ، ادراکک ده
 حدسیاتک حاصل ایندیکی موضوعاتی ربط و توحیددن
 عبارت بر بلکه دکل ، بلکه موضوعی بالذات ابداع
 و تفکر ایدرک عین زمانده وحدت و کثرته دلالت
 ایدن بر صفتدر مثلاً : [ن . ب] و [۱ = ۱] کی
 بر عنیت مطلقه افاده ایدن اعمیات غیر طوعیه
 ابتدائیه شکل و معرفتک وجوبندن باشقا موضوع
 ایله وجود نفسیه تعین ایتش اولور . نفس تعینیه

موضوع اولان [۱]ك محمول عد ایدیلن [۱]دن
تماماً مستقل بولندیغنی اشعار ایلدر .

اطلاق فعالیت غیر متناهی سی اعتباریلر بوفعالیتیه
بر موضوع ویرمک یاخود تأثیرینی تأمین واصل
ایتمک اوزره عینیتدن انفصال ایلدر ؛ اطلاق
مادیاتده وجود ایلر معرفته ، حقیقت ایلر بدیمه خیالییه
وقده فلسفه طبیعییه و فلسفه فکریه کی ظاهرأ
متناقض کورینن احواله باعث اولماق اوزره تکمیل
ایلدر . طبیعت روح ایلر جسمک ، حرکت ایلر
سکونتک ، حیات ایلر موتک احوال متناقضه سندن
عبارت کی کورونور . فقط بوتون بو متناقضاتک
بر حد متوسطی واردر ، که اطلاقه راجعیدر ؛
ظلمه امتناقض کی کورونن احوال تحلیل ایلر اطلاقده
اتحاد و تداخل ایلدر . اطلاق بوصورتله وجدانی
و وجدانییه حقیقیه تأسیس ایلدرک فکری معرفت
ذاته و فلسفه اطلاقه قدر سوق ایلدر . اطلاقدن
خارج بر حدس مثبت یوقدر ؛ هر بر حد بر تعبیر
منقیدن عبارت قالیر ؛ معلومات ایلر استحصالی مادیت
و شخصیتک نبوتیلر قائمدر . اطلاقک شکلی وحدتدر ؛
بناء علیه بر حدس عقلی ایلر آکلاشیلیر .

شلتیغ فلسفه سنک انک مهم نقطه لر ی بوندن
عبارتدر . معرفت ایلر وجودی ، نظریات ایلر تجاربی
تألیف ایتمک ایستین بومسک قوه فکریه دن زیاده
طبیعتیه اهمیت ویرمشددر . حقیقت حالده اطلاق
حرکت ذاتیه سیله شخصیتیه راجع اولدینی صورتده ،
نفسدن زیاده طبیعتله قائم اولماق و تخیاریدن ده
مهم و ده علوی بر نتیجه عد ایدمک لازم کایر . .
اشکار ایلر تلقدین باشقا بر حکمه لایق اولماین بوفکر
شلتیغ فلسفه سنک حکمیه اسناد ایتدیکی اهمیتدن
آکلاشیلا بیلیر . شلتیغ ، اطلاقک تکملات

و تعینی نفس ایلر قائمدر ، فقط بوتعین بر حد
و حقیقت و موضوع تعین ایلر ؛ « — ا — ا —
دکادر کی » . چونکه الی نهایه تعینی ممکن دکادر .
نهایت فکر فعالیتیه حسبیلر نفسیه رجعت و تفکرله
وجدان و ذهنی حاصل ایلدر ، که بوده « نفس تفکر
ذاتیه سیله تعین و تعینله تفکر ایلر » دیمک اولور .

بونظریه استخراجاتک توالیسی ، اصولک شدتی
نقطه نظرندن پک مهم ایسه ده فکرك نفسیه محصور
اولوب آندن تمیز ایدیلر مه سی معقول کوروله من .
نفسک افعال متخالفه سی الصاق ایدن ناصل
بر رابطه در ؟ بونترک فعالیت مستقله لرندن بر قانون
مادی و عمومی استدلال ایدیلر بیارمی ؟ بورزاده
عقل ایلر عمومیت رد ایدیلوب اوصافی نفسندن
عبارت و نفسی وجودینی منکفل بر طاقم جواهر
سیله مستقله تصور اولومشددر .

شلتیغ ، بو تصوراته کوره ایده آیزمه ده
مادی بر شکل ویرمک ایستمش و فیخته ک نفسی
ایلر موضوعدن عدا ایتدیکی بالذات نفسی ایلر
غیر النفسه برده اطلاق علاوه ایلر مشدر . اطلاقک
شکلی عینیت مطلقه در :

[۱=۱] کی ، که ذهن ایلر وجودک عینیتی
مشارکه افهام ایلدر ، فیخته ، بو ترکیک بالذات
حال نفسی و وضع اطلاقه کوره حال نفسی مقدمی
اشعار ایتدیکنی قبول ایلردی ؛ شلتیغ ایسه ایکی
حد متقابلده نفسک عینی اولان حال اطلاق افهام
ایتدیکنه قائل اولوردی ، که بوتی ده [عین عینیت
و عدم عینیت] دیه تعریف ایدیلیر . [۱=۱]
نفسیه سی [۱]ك موضوع و یاخود محمول اولدیغنی
دکل بلکه بری برینک عینیتی و ده دوغروسی

توانایی‌سی فکرت ترقیات داخلیه و مستقله‌سندن
زیاده خارجی و میخانیکی بر طرزده تصویر ایتشدرد:
نتیجه، شلینگی فلسفه‌سی ماهیت و حقیقت اطلاقه
بدل بونک یالکز شکلی آکلا یا یلمشدر که بو نقطه
نظر دن قانت مسلکندن یکده خارج دکلدرد.
مقناطیسی، الکتریک، جاذبه و دافعه کی حادثات
اطلاقک مخمولانندن عدایدلکه بونرک طبیعت
حقیقیه لری آکلا شیلا ماز؛ بونی نه افهام ایده بیلجک
تجربه ایله بو معلوماتک تظا هریدر؛ یوقسه بالذات
معلومات ایله عقل تجربه دکلدرد. شونک کلماتک
هبت عمومی‌سی خارجاً منظم کی کورونور؛
معرفیه تابع اولدوقلری اسباب ایله ماهیتلری
کیا مجهولدر. شلینگی تعریف ایتدیکی اطلاق
نور؟ موضوعده داخل یا خود خارج میدر؟
اطلاق موضوعدن خارج اولماق لازم کلسه،
تصرفی و بر حدس عقلی ایله تفهیمی ممکن اولاماز.
ذاتاً حدس عقلی معرفت اطلاق اینچون کافیدر.
بو معرفتده بر حال شخصی و عارضی اولوب
آنجا کی بر تجربه نسبه و مقیده حاصل ایده بیلیر؛
عقلک بر نتیجه واجبه و مادیه‌سی دکلدرد. بالعکس
اطلاق موضوعدن تجربید ایدمه‌مش اولسا تفهم
و تعینی لازم کلیر.

هه‌کل، شلینگی فلسفه‌سنه بو یولده اعتراض
ایدردک آنی‌کندی نظریه‌سنه ارجاع ایتک ایتسه‌مش
ایدی. هه‌کله کوره علمک شکل مادی و واجبی
تجاربیدن مستمار اولمایان و ذهنگ افکار و تصورات
تعبیر ایدیلان عناصر ابتداییه و اساسیه‌سی اوزرینه
مؤسس بولان بر تظا هریدر. فکر ماهیتدن عبارت
اولدیفندن تفکر ایله صمیمیت فکره انتقال ماهیت
اشیایه و قوفی تأمین ایدره؛ افکارک حرکات

داخلیه‌سی تفکر اسباب وجودی و مناسبات
اشیایی افهام ایدره. بو اصول فکری موضوع
معرفدن خارج بر شکل شخصی دکل، بلکه وجود
ایل هه‌کل ذهنگ بر شکل مشترکی عدا ایدره. بناء علیه
هه‌کل مسلکک اساسی فکر ایله فکرک شکل
اصلییدر. بو مسلکه کوره فکر ماده معرفتی،
شکل اصول یعنی اشیاک ترتیب واجبی بیلدیرر.
بونک نتیجه‌سی ده شودر:

او. اطلاق هه‌کلک دیدیکی کی «فکر بذاته»
واشیای یعنی وجود و معرفت فکرک اشکال
متوعه‌سی. بر طرز حدسیدر. ثانیاً، الک حقیقی
اصول [دیالکتیک] یعنی اصول استدلالدر.
بناء علیه، فک وحدت و مخالفی، اشیاک مناسبات
و تناقضاتی بیلدیرمه‌سی لازمدر. الک حقیقی
بر اصول فن وجود ایله معرفت درجات مختلفه‌سی
متسلسلاً بر حرکت داخله و واجبه ایله قطع
ایدردک وحدتک تخالفه، عینتک تناقضه صورت
انقلابی کوسترمکدر، که بوده اصول استدلالدن
عبارتدر. اصول استدلال نفی و تصدیقی متضمن
اولوب مصادف اولدینی احوالی تفریق و توحید
ایدره؛ تناقضاتی تعیین ایدوب آرالرنی تألیف
ایله؛ نتیجه‌سی ذهنگ بر تصدیق مطلقه انتقالیدر.
هه‌کل، وجود ایله عدمک افکارده حاصل
ایتدیکی تناقضی شو یولده ایضاح ایدره:

۱. فکر وجود فکر عدمی داعیدر، بواکی
معلومات بری برندن قابل تفریق دکلدرد؛ قوه‌فکره
وجودی تفکر ایدره اینک عدمی ده مشارکه
دوشونور؛ ۲. شو ایکی فکر متناقضک تصادمی
فکر حدوث و حیزورتی مستلزم اولور. «بو تعریفه»
کوره فکر تعیین و متناقض و متوافق اولور:

دیاتی نسیان؛ انسانی بتون وظائف بشریه سی
اونو نمغه سوق ایدر.

«کدا»

فلا کتدن قورتلمق ایچون احتیاطه رعایت،
مصائبه مقاومت ایچون ده جسارت لازمدر.

«کدا»

عظائمک موجب مسعودیت اوله جفی فکری
پک قابا بر زعمدر. صحت وجود، سلامت فکر،
استراحت قلب هپ سعی وغیرتک ثمره سیدر.
«ووده نارق»

داعیه تمجذ انسانه جوق سوز سوبله تیر،
خفیف مشربلک ایسه اکثریا محافظه سکوتی ایجاب
ایدن تأمله مانع اولور.

«فنون»

سعی وغیرت انسانک حیاتیدر.

«وولتر»

باشلیجه احتیاط از سوبله مک و باشقه لرندن
زیاده کندینه اعتماد ایجه ممکن عبارتدر.

«فنون»

سعاده وصول ایچون طریق فضیلتدن ده
امین بر یول یوقدر.

«ژان ژاق روسو»

بر ناموسلی آدمک حس ایده بیله چکی اذواق
اک بیوک دوستلرینه اینلک ایتمکدر.

«وولتر»

جهالت؛ نوع بشرک اک بیوک خسته لیکدر.

«کدا»

فکر متعین منطقه. فکر متناقض طبیعت و فکر
متوافق قوه فکریه دلالت ایدر. فکر منطقی
ایله فکر طبیعی ده ذهنده تألف حاصل ایلر.
هله کل مسلمانک اساسی بوندن عبارتدر.
«فکر بذاته» یه کانیجه، بوده اولکی افکاری محیط
بر وحدت اولوب آنلرک تجلیاتسندن و اشکال
مختلفه لرندن باشقا بر شی دکدر.

کاظم

ماهدی وار



حکیمات غریبه دن

هر شی؛ بر خالق لم یزک موجودیتدن خبر
وبریور. او خدای بیلک ده ممکن اوله یسور،
بیامه مک ده. صدای عمومی کندی قدرت وعظمتی
اعلان ایدیور. قلب مر صداسی ایسه آکا پرستش
ایتمک لازم کله چکنی اخطار ایلر.

«وولتر»

دنیا یه قدمباه اولدیغمز آمده اولومه ضوغری
بر خطوه آندق دیمکدر.

کدا

یالکز لسانی حرکت ایتدیرمک ایچون سوز
سوبله مک؛ جناب حقک مخلوقاتی آره سنده آنجق
انسانه بخش ایتدیکی قوه ناطقه نی. بشریتک او
خصیصه لطیفه نی نه قدر سفیلانه استعمال ایتمکدر؛
«آندریو»

حیسانک حد ذاتسده هیچ بر اهمیتی یوقدر.
قیعی صورت استعمالنه کوره تعین ایدر.

«ژان ژاق روسو»